

續高僧傳卷第七

唐釋道宣

佐九

義解篇

正紀十
附見四

陳揚都寧武寺釋洪偃傳一

正紀十一
揚都興皇寺釋法朗傳二

正紀十二
揚都大禪衆寺釋法勇傳三

正紀十三
揚都大彭城寺釋寶瓊傳四

明解

揚都白馬寺釋警韶傳五

解

鍾山耆闍寺釋安廩傳六

攝山栖霞寺釋慧布傳七

僧玄諒

周渭濱沙門釋亡名傳八

僧現

魏鄴下沙門釋道寵傳九

齊彭城沙門釋慧嵩傳十

釋洪偃俗姓謝氏會稽山陰人祖茂恭和凝
慎不交世俗父藏博綜經史善屬文藻梁衡
陽王聞而器之引爲僚友偃風神穎秀弱齡
悟道晝讀經論夜諷詩書良辰華景未嘗廢
學自爾幼而聰敏州里稱焉及長遊聽京邑
遍聞數論後值龍光寺綽法師便委心受業

特加賞接以爲絕倫由是學侶改觀轉相推伏二三年中便盡幽奧乃開筵聚衆闡揚成實舉厝閑雅詞吐抑揚後學舊齒稽疑了義橫經荷笈虛往實歸由此仰膺法輪總持諸部勇氣無前任其披解宿望弘量因循舊章偃厲思雲宵曾無接對見忤前達不能降情自是來學有隔聽者踈焉遂閉志閑房高尚其道間以尋絅閱史廣求多見秋水春臺清文迥出壯思雲飛英詞錦爛又善草隸見稱時俗纖過芝葉媚極銀鈎故貌義詩書號爲

四絕當時英傑皆推賞之梁太宗之在東朝愛其雋秀欲令還俗引爲學士偃執志不迴故弗能致會武帝發講重雲延德肆問而年非宿老座第甚遠抗言高論精理入神帝賞歎久之莫不矚目偃形止自若神守如初僉服其高亮也及引進後堂加優其禮屬戎羯陵踐兵饑相繼因避地于縉雲眷眄泉石又寇斥山侶遂越嶺逃難落泊馳滯曾無安堵梁長沙王韶鎮郢聞風叙造俄而渚宮陷覆上流阻亂便事東歸因懷自靜有顧林泉乃佐九

杖策若耶雲門精舍歷覽山水美其棲遲登
吳昇平亭賦詩曰蕭蕭物候晚肅肅天望清
旅人聊杖策登高蕩客情川源多舊迹墟里
或新名宿煙浮始旦朝日照初晴獨遊乏徒
侶徐步寡逢迎信矣非吾託賞心何易并遂
汎浪巖峯有終焉之志葺修寺宇結衆礪業
達陳武廓定革命惟新京輔舊僧累相延請
乃顧山衆曰吾勤苦積學五十餘年事故流
離未遑敷說今時來不遂何謂爲法亡身乎
以天嘉之初出都講于宣武寺學徒又聚莫

不肅焉雖樂說不疲而幽心恒結每因講隙
遊鍾山之開善定林息心宴坐時又引筆賦
詩曰杖策步前嶺褰裳出外扉輕蘿轉蒙密
幽逕復紓威樹高枝影絪山晝鳥聲希右苔
時滑屣蟲網乍粘衣潤旁紫芝曠巖上白雲
霏松子排煙去堂生寂不歸窮谷無還往攀
庄子柱獨依依會齊使通和舟車相接崔子武等
擅出境之才議其贍對衆莫能舉世祖文皇
以偃内外優敏可與抗言勑令統接賓禮樞
機溫雅容止方稜敷述皇猷光宣帝德才詞

宏逸辯論旁馳潤以真文引之慈寄于武等
頃受誥命銜佩北蕃帝嗟賞厚惠更倍恒度
皆推以還公一無所納是歲舊疾連發聽者
復踈止於小室許有諮問懷不能已情有斐
然乃著成論疏數十卷剖發精理構思深劇
疾轉沉篤功不克就以天嘉五年九月二十
一日至於大漸神氣不昧命弟子曰衆生爲
貪心之所暗也貪我則惜落一毛貪他則求
無厭足至於身死之後使高其墳重其櫬必
謂九泉之下還結四鄰一何可歎而皇甫謐

楊王孫微得我意雖知會歸丘壤而未知初
度之心今冥目之後以此脯腊鄙形布施上
飛下走一切衆生若前身相負仍以相償如
無相對則生我檀善此之微心亦趣菩提物
莫不共矣言畢合掌終於宣武寺焉春秋六
十有一知與不知感懷惻愴即以其月二十一
二日尸陀於鍾山開善寺之東岡焉然偃始
自離俗迄于遷化雅學是務儉節掃衣弗事
華纘每緣情觸興輒叙其致而文彩灑落罕
有嗣者綴述篇章隨手散失後人掇聚集之

成二十餘卷值亂零失猶存八軸陳太建年
學士何雋尚之封于祕閣

釋法朗俗姓周氏徐州沛郡沛人也祖奉叔
濟給事黃門侍郎青州刺史父神歸梁貞外
佐九 敦騎常侍沛郡太守朗託生之始母曰劉氏
夢見神人乘樓殿入懷夢中如言身與空等
既而覺寤四體輕虛有異恒日五辛雜味因
此悉斷爰在髫齡卓出凡童孝敬純備志操
貞立家旌六鄰氣蓋三邊少習軍旅早經行
陣儉約治身寵辱無能移也俄而假節寧遠

將軍徐子彥北伐門設長戟坐休大樹惟曰
兵者凶器身曰苦因怨海邪林安能覺者年
二十一以梁大通二年二月二日於青州入
道遊學楊都就大明寺寶誌禪師受諸禪法
兼聽此寺彖律師講律本文又受業南澗寺
仙師成論竹澗寺靖公毗曇當時譽動京畿
神高學衆所以天口之侶藏耳之賓心計目
覽莫不奔競但以鷲山妙法羣唱罕弘龍樹
遺風宗師不輟前傳所紀攝山朗公解玄測
微世所嘉尚人代長往嗣續猶存乃於此山

止觀寺僧詮法師資受智度中百十二門論
并華嚴大品等可經於即彌綸藏部探賾幽微
義吐精新詞含華冠專門強學課篤形心可
謂師逸功倍於斯爲證永定二年十一月奉
勅入京住興皇寺鎮講相續所以華嚴大品

卷九

五

四論文言往哲所未談後進所損略朗皆指
擿義理微發詞致故能言氣挺暢清穆易曉
常衆千餘福慧彌廣所以聽侶雲會揮汗屈
膝法衣千領積散恒結每一上坐輒易一衣
闡前經論各二十餘遍二十五載流潤不絕

其間興樹四部兩言法輪之華當時莫偶以
太建十三年歲在辛丑九月二十五日中夜
遷神寺房春秋七十有五即以其月二十八
日窆于江乘縣羅落里攝山之西嶺初攝山
僧詮受業朗公玄旨所明惟存中觀自非心
會析理何能契此清言而頓迹幽林禪味相
得及後四公往赴三業資承爰初誓不涉言
及久乃爲敷演故詮公命曰此法精妙識者
能行無使出房輒有開示故經云計我見者
莫說此經深樂法者不爲多說良由藥病有

以不可徒行朗等奉旨無敢言厝及誼化往
四公旣言各擅威容俱稟神略勇居禪衆辯
住長于朗在興皇布仍攝領禪門宏敞慧聲
遐討皆莫高於朗焉然辯公勝業清明定慧
兩舉故其講唱兼存禪衆抑亦誼公之篤屬
也然其義體時與朗違故使興皇座中排斥
中假之誚布勇兩公見于別紀昔梁天監十
六年六月七日神僧寶誌記興皇寺云此寺
當有青衣開士廣弘大乘及朗遊學之時初
服青納及登元席乃與符同又南陌居士杜

法黎年踰八十頗識歸心昔夢寺內有燭花
天妓墮塞殿堂縞素法衆充初筵席洎朗來
儀創會公私齋講又盛符焉又十二年五月
七日帳下淨人解齊失曉朗夜扣閣催之而
洪鐘自響良久不絕故其禎祥早著其例此
也東朝於長春殿義集嗣君親搖玉柄述朗
生九
所豎諸師假名義以此榮稱豈惟釋氏宗匠
抑亦天人儀表故其所獲檀貌充造經像修
治寺塔濟給窮危所以房內畜養鵝鴨雞犬
其類繁多所行見者無不收養至朗寢息之

始皆寂無聲遊觀之時嗚吠喧亂斯亦懷感之致矣侍中領軍盧陵王聲懋權衡資承戒約遂仰奏承華爲之銘頌其墓誌文太子詹事濟陽江總故陳主叔寶時在春宮爲之銘曰洪源遠采傳芳馥蕙君子哲人英芬是繼朱旄旣杖青組仍曳紉虎戎卸貳貌狄制功可冠軍業非出世揖彼聲色超此津濟津濟伊何剗斷綱_綱忍衣早記乘樓夜過航斯苦海涸此愛河若非智士孰寄宣揚法雲廣被慧日舒光既椎衡櫓自闢金湯夢齊鼓說應

異鍾霜識機知命同彼現病夙心棲遁度歲難竟化緣已矣乃宅丘寃智炬寂滅願嚴遼夏遼寥空岑搖落寒侵弦餘月暗霧下松深香滅窮龍檣橫宿林切切管清遙遙鼓聲野煙四合孤禽一鳴風悽咽斷流急寒生神之

淨土形沉終古勒此方墳用旌蘭杜

佐九

釋慧勇嚴姓桓氏其先譙國龍亢人也祖法玄尚書外兵錢唐令因此遁迹于虎丘山後客寓居吳郡吳縣東鄉桓里父獻弱齡早亡母張氏嘗夢身登佛塔獲二金菩薩俄育二

男益幼而入道長則慧心聰勇其次也初出揚都依止靈曜寺則師爲和尚銳志禪誦治身蔬菲隨方受業不事專門豈非版金成寶方資刻鏤宣玉有美必待刮摩誠有由矣年登僧綽建元寺法寵並道秀域中聲高梵表乃服膺座右稟宗成實刻情砥礪寢食忘疲苦思沉淪坑岸斯墜彌歷寒暑博習大成至年三十法輪便轉自此遠致學徒盛開講肆高視上京鬱爲翹彩專講論文將十許遍俄而

梁季傾覆人百沸騰每思遁世莫知其所于時攝山詮尚直轡一乘橫行出世隨機引悟有願遵焉嘗行報恩寺前忽見人云從攝山來授竹如意謂勇曰尋當如意俄失蹤迹信宿之間又有漆函盛三論一部置房前窓上尋究莫知來也欣茲嘉瑞銳勇難任因此拂衣里閑駕言泉石期神杳冥非企禽臺之侶修空習慧寔追林遠之風便停止觀寺朝夕侃侃如也詮師忘以年期義兼師友抑亦宮羽相諧冰藍待益之志也自此言刈章句採

擴希微凡厥釋經莫不包舉大法獲傳於焉
是賴天嘉五年世祖文皇請講於太極殿百
辟具陳七衆咸萃景仰之輦觀風繼踵遊息
佐九
之伍附影成羣自此聲名籍甚矣住大禪衆
寺十有八載及造講堂也門人聽侶經營不

日接雷飛軒製置弘敞題曰般若之堂也以

至德元年五月二十八日遘疾少時平旦神
遊春秋六十有九然其大漸之時神容不變
經宿頂暖衆皆異之至六月六日卒于攝山
西嶺自始至終講華嚴涅槃方等大集大品

各二十遍智論中百十二門論各三十五遍
餘有法華思益等數部不記又早捨親愛弱
而貞苦文章聲辯時世高之爰至啓手啓足
不繙不涅寔像教之棟梁精義之林藪弟子
等追深比面之禮鐫石碑之其文侍中尚書
令濟陽江總製

釋寶瓊姓徐氏本惟東莞避難辭官後居毗
陵曲阿縣焉祖邕齊右軍父僧達梁臨川王
諮議並高器局崇遵儒素瓊絜清山水峯瀾
早被身長七尺五寸脅胛龍文口三十九齒

異相奇挺故能躋秀風彩蘊藉威容少鄙觸
愛便欣毳服幼年出俗師事沙門法通通初
見而嗟重深爲道器也不使服勤年過志學
欲稟光宅寺雲法師義但以經藏飈拔聲實
生九
沸騰無礙奔涌談吐橫逸竊疑詞富兼駭唱

高乃移聽南澗仙師研精數論名解映徹洞
禪義窟仙嘗覽瓊私記三復嗟賞後於高座
普勸寫之自爾門徒傳寫此疏初受具年已
能覆述未登五歲便爲法主仍與仙公抗衡
敷化梁高祖三教妙旨罔不諳通選揚名德

分寄弘道瓊之高義簡在帝心爰降綸綺入
壽光殿言重茂林更輕雲閣便辭還鄉之建
安寺上黃侯隣分竹此邦每深尊敬情兼師
友彼郡一旦老少相喧競云建安伽藍白龍
出現奔排到寺惟見瓊講有識之士異而目

之爲白瓊焉素與簡子周弘正早申莫逆彼
驟噫曰夫有希世之才而不在京華開導乘
桴之歎令人太息乃有學侶復請還都發成
實題僧正慧令切難聯環瓊乃徐拂塵尾從
容而對令乃引遠公舊責曰不疾而速杼軸

何爲答曰不思造業安得精固令閑舉止雅音韻賓主相悅殊加稱賞梁祖年暮惟事熏修臣下偃風清言扇俗縉紳學者必兼文義所以屢開理教維摩涅槃道被下筵憇飛上席解頤利齒木舌鋒牙叟塞駢羅煙隨霧涌亦有明玉豐貂紆青施紫車馬溢於寺衢衣簪滿於法座斯感物之盛空有加也到茂灌民譽之重任孝恭詞筆之富皆執卷稽疑服膺請業恭息世謨疏菲好學後進英華隨父共聽偏深玄義遂講涅槃傳瓶不失于茲乃

驗未仍入道奄至無常頂暖信宿手屈三指復與諸天飛下住宅對父談詁宛若平生襪讚出家稱揚法利俄將翼從凌虛而沒留香在室經日不消故知彼此異人躬爲學衆誠難測其本量也逮梁室版蕩有陳建業武帝尊法喚味特深數引金言頻開玉牒降狎言笑詢訪名理永定三年夏於重雲殿閣正弘大品夢朱衣神禮而諫曰般若多難仰祈疾講頻爾轉數詞逾懇到至七月十日乃白僧曰昨夜神人見催經餘一卷午前取訖講竟

出宮殿雷已響還纔至寺驟雨便零重雲殿
一時都盡豈非勝人宣法幽冥敬重陳祖昇
退方知前告文帝慕脣禮異彌深鬱下絲綸
爲京邑大僧正辭讓雖切敦喻更隆乃顧當
仁俾膺範物遂之斯任然以金陵都會朝宗
所依刹寺如林義筵如市五部六羣果含苗
雜淮調水乳罕和鹽梅多沒象泥終枯鳥樹
乃鎮之以清淨馭之以無爲篇禁不煩遮罰
每省故僧尼仰之自肅道俗稱之益敬七衆
日用而不知四遠欽風而不足故得法位久

司疵謗無玷屢陳表退去而復昇始終惟令
於是乎在自梁僧之於此任熏灼威儀翼衛
亞於王公服玩陳於鄭楚故使流水照於衢
路吏卒喧於堂廡瓊臨已來頓祛前政自營
靈壽惟從息慈壞色蔽身尼壇容膝蕭然率性光
爾有位若無朝野嘉其真素同侶美其如法
海東諸國圖像還蕃頂禮遙敬古人有言匪
馳令譽孰動殊方其見賢如此以至德二年
甲辰之歲二月二十三日纔覺不愈建初寺
寶瓊法師當時之偶對也少而共學聲德齊

揚爾夕神人忽來報曰彭城僧正今先無常日夢上天有疏請講暨三月二十日正念告終遺誠掩坎不煩銘誌春秋八十一有詔慰焉喪事所須隨由資給仍以天子鹵簿仗借爲榮飾終古所希幸也以四月五日窆于鍾山之陽名僧舊墓爾時填達咽陌哀慟相奔皂素驚嗟郊垌失色初瓊入京將臨法席旣無人識不許房居乃求僧正慧超寄南澗住超聞未許見而駁曰此少俊當紹吾今位法門所託何慮無房即命寺綱忻然處置及孝

宣請講太子常迎屢見神人形甚長偉密來翼從末爲大將軍章照達講通感亦然又非測也然其厚德容衆鳴謙儉約出處無忤言行無擇冠壯不休孜孜講導吐音遙爽發義昭彰或遇勍手時逢的匠薄魔象扇灌已冰消故寢繁有徒服而無數及晚僧望益重居處逾輕惟屏罔設飾用不置臘歲參謁黑白摩肩方便他行避斯榮供斯可謂狎人世而空閑館司存而無事也又聖人至理開士微言月落參橫清誦無逸及燭然香馥懺禮方

宵迺急心勤外和內祕宣揚之暇綽有餘閑

兼採玄儒每窺子史彫蟲篆隸體物摘玄並

入性靈悉能該洽又可謂不撓大猷無遺小

道也凡講成實九十一遍撰玄義二十卷講

文二十遍文疏十六卷講涅槃三十遍製疏

廿九十七卷講大品五遍製疏十三卷餘有大乘

義十卷法華維摩等經並著文疏故不備載

布在州邑兄孫普光承籍風訓立履貞確思

慕平昔追攀日永與同學道莊明解等樹碑

于金陵之舊墟其文慧日道場釋法論莊入

室馳聲見于別紀解昇堂流譽王領江都隋
末尚存安危未測

釋警韶姓顏氏會稽上虞人學年入道事叔

僧廣以爲師範廣律行貞嚴當時領祐初韶

遊都聽講便能清論年登冠肇還鄉受戒護

持奉信如擎油鉢有沙門道林請留鄉土乃

夢韶舌相廣長而欲將斷旣寤深惟留戀斯

成墜失愧悔前請便勸出都於即大弘法化

傳燈不絕昂莊嚴是公之遺緒也次稟龍光

僧綽乃是開善瓊支末又探習三藏廣綜衆

家年二十三講大品經味法當時摩肩溢道後還建元晉陵等寺敷演經論解冠羣宗詔乃願年四十長就講說而學侶相顧不勝欽尚時年三十有九爲建元寺講主臨終遺令傳法韶遵崇餘烈即坐演之受業之賓有逾廿九師保梁簡文邵陵及岳陽等大相欽重十三師承訓誨從危難後世改情淳乃往豫章將通道務時余豫州黃司空等素情所仰請爲戒師會外國三藏真諦法師解說大小行攝自他一遇欣然與共談論諦歎曰吾遊國多矣罕

值斯人仍停豫都爲翻新金光明并惟識論及涅槃中百句長解脫十四音等朝授晚傳夜聞晨說世謗寫瓶重出知十再生者也梁岳陽王於荆立位遣信遠迎楚都弘法韶念報地之重來勅遂乘陳武定天文皇嗣業並弘尚正道勅請還都戒範承仰優禮彌隆天嘉四年有會稽慧藻同泰道倫等二百餘人連署請韶長講於白馬寺廣弘傳化十有餘年旣登耳順便令慧藻續講躬往瓦官宴坐少時法門深妙時沙門智顥定慧難踰人神

頗測靜歎精利事等夙成共諸前學頻請重
講留意綿久以疾辭之又爲新安殿下黃司
空等共僧三請不免勤注又於王府略說維
摩龍光寺中廣敷成實亦得數年成諸學肆
未辭朽老歸志山林乃入幽巖自靖十有餘
載至德元年十月十一日日中時右脅而卧
神慮澄然崩於開善寺春秋七十有六其月
十六日窆於鍾嶺獨龍之山所講成實論五
十餘遍涅槃三十遍新金光明三十餘遍維
摩天王仁王等經遍數繁亂不紀廣叙

釋安廩姓秦氏晉中書令靖之第七世也寓
居江陰之利成縣焉考正妙思泊玄怡心届
寂乃製入神書一首洞曆三卷青烏之道莫
不傳芳廩幼而聰穎獨悟不羣十三偏艱孝
知遠近斷水骨立聞者涕零古人有言知子
父也乃攝以典教業遂多通而性好老莊早
達經史又善太一之能并解孫吳之術是以
佐九才藝有功文武清播仍欲披榛問隱草門圭
竇而虛懷機發體悟真權年二十五啓勅出
家乃遊方尋道北詣魏國於司州光融寺客

公所採習經論容律訓嚴凝肅成濟器并聽嵩高少林寺光公十地一聞領解頗盡言前深味名象並畢中意又受禪法悉究玄門請業之徒屢申弘益在魏十有二年講四分律近二十遍大乘經論並得相仍梁泰清元年始發彭沛門人擁從還届揚都武帝敬供相接勅住天安講華嚴經標致宏綱妙指機會值梁運既終法輪停轉洎大陳御寓永定元年春乃請入內殿手傳香火接足盡虔長承戒範有勅住者闍寺給講連續旣會夙心遂

欣久處世祖文皇又請入昭德殿開講大集樂說不窮重筵莫擬孝宣御曆又於華林園內北面受道闡化涉勞因以遘疾至德元年建寅之月遷化于房皇心惻悼贈有加即以其月窆於開善之西山春秋七十有七門人痛其安放士庶失其歸依矣

釋慧布姓郝氏廣陵人也少懷遠操性度虛梗年十五處于江陽家門軍將時有戎役因願領五千人爲將清平寇塞豈不果耶衆謹其言十六遭兄亡悟世非常思解俗綱親眷

知有武略咸不許之二十有一方從本願既
蒙剝落便入楊都從建初寺瓊法師學成實
論通假實之旨物議所歸而布恨斯至理未
盡懷抱承攝山止觀寺僧詮法師大乘海嶽
聲譽遠聞乃往從之聽開三論學徒數百翹
楚一期至於洞達清玄妙知論旨者皆無與
尚時號之爲得意布或云思玄布也故詮之
解難聽者似解而領悟猶迷及依言願通而
構難疎略致使談論之際每有客問必待布
而爲答時人爲之語曰詮公四友所謂四句

朗領語辯文章勇得意布布稱得意最爲高
也後於大品善達章中悟解大乘煩惱調順
攝心奉律威儀無玷常樂坐禪遠離囂擾誓
不講說護持爲務末遊北鄴更涉未聞於可
禪師所暫通名見便以言悟其意可曰法師
所述可謂破我除見莫過此也乃縱心講席
備見宗領周覽文義並具胷襟又寫章疏六
駁負還江表並遺朗公令其講說因有遺漏
重往齊國廣寫所闕賈還付朗自無一畜衣
鉢而已專修念慧獨止松林蕭然世表學者

欣慕嘗造恩禪師與論大義連徹日夜不覺食息理致彌密言勢不止思以鐵如意打案曰萬里空矣無此智者坐中千餘人同聲歎悅又與邈禪師論義即命公之師也聯綿往還三日不絕邈止之歎其慧悟遐舉而卑身

佐九

十六

第行不顯其美梁太清末侯景作亂荒餒索年三日失食至四日有人遺布飯而微似猪肉之氣雖腹如火然結心不食故得遭斯厄不履非溢又曾患脚氣醫令服薤自此至終常陳此罪或見諸人樂生西方者告云方

土乃淨非吾願也如今所願化度衆生如何在蓮華中十劫受樂未若三途處苦救濟也陳至德中邈引恭禪師建立攝山棲霞寺結淨練衆江表所推名德遠投稟承論旨時爲開滯理思幽微不爲僧師不役下位常自縫洗六時無闕纔扣楗椎已居衆首端坐如木見者懔然名聞光遠請謁如市陳主諸王並受其戒奉之如佛末以年暮不參衆食勑給其乳牛而布迴充入衆筦筦謹攝寶高僧焉年至七十與衆別云布命更至三五年在但

老因不能行道住世何益常願生邊地無三寶處爲作佛事去也幸各好住願努力於是絕穀不食命將欲斷下勑令醫診之縮臂不許沈皇后欲傳香信又亦不許臨終遺訣曰長生不喜夕死無憂以生無所生滅無所滅故也諸有學士徒衆並委恭禪師吾無慮矣以陳貞明元年十一月二十三日卒于棲霞終後手屈三指持之雖申還屈乃至林中一月猶爾未終前大地連動七日便卒移屍就林山地又動太史奏云得道人星滅矣時

佐九十七

以當之初將遊告衆前云昨夜二菩薩見迎一是生身一是法身吾已許之尋有諸天又來迎接以不願生故不許耳流光照於侃禪師戶侃怪光盛出戶見二人向布房中不知是聖也旦往述之恰然符合言已端坐而化有見鬼者望見幡花滿寺光明騰焰不測其故入山視之乃布公去世

釋亡名俗姓宋氏南郡人本名闕殆世襲衣冠稱爲望族弱齡遁世永絕妻孥吟嘯丘壑往懷遊處凡所憑准必映美阮嗣宗之爲人

也長富才華鄉人馳譽事梁元帝深見禮待
有製新文帝多稱述而恭慎慈敬謙靜爲心
每從容御筵賜問優異及梁曆不緒潛志玄
門遠寄岷蜀脫落塵累初投允禪師允亦定
慧澄明聲流闢鄰名乃三業依憑四儀恭仰
彌絕假於禪誦興慮著於篇什預有學徒問
道無倦會周氏跨有井絡少保蜀國公宇文
雋鎮之性愛賢才重德素禮供殊倫聲聞臺
省後齊王續部伏敬日增任滿還雍遂勒歸
謁帝勞遣旣深處爲夏州三藏朝省以名文

翰可觀元非玄侶而冥德沒世將徵拔之測
其器宇有經國之量朝省總議或以威恩加
之或以情異轉之然名雅亮卓然曾無易節
天和二年五月大冢宰宇文護遺書曰言念
欽屬未叙企積道體休愈無虧慮耶蓋能仁
處世志存匡救非先輪迴獨尚茲善旣道亞
生知才高七步宣虛綯染沉流當途但靈廓
佐九妙理三業同臻冀思莫二皂白非感耳怖解
偏執譖我時朝匪惟真俗俱抽亦是彼我一
貫故令往白念報雅懷名答云辱告深具懷

抱寒暑異域苦樂殊心輒略常談且陳事實
貧道稟質醜陋恒嬰疾惱因偃成恭惟道是
務不曽娶息五十二年自捨俗緣十有五載
萬人歸國皆停都邑羸病一僧獨流荒裔無
罪可罰無能可使百慮尤思是所未喻文多
不載又列六不可十歎息援據事敘綸貫始
終書略結云沙門持戒心口相應所列六條
若有一誑生則蒼天斂之死則鐵鉗拔之烊
銅灌之仰戴三先行年六十不欺閭室況乃
明世且鄉國殄喪宗廟衰亡貧道何人獨堪

長久誠得收迹巖中攝心塵外支養殘命敦
修慧業此本志也寄骸精舍乞食王城任刀
行道隨緣化物斯次願也如其不爾獨處丘
壑安能憤憤久住閭浮地乎謾得書體其難
拔乃與書迎還云法師秉心彌固棲遊世表
玄圭啓運不屈伯夷之節蒼精御曆豈損嘉
十九遁之志今遣往迎名達咸陽貴遊奉謁隆禮
厚味彌增常限以稱謂廣流藏景難伏誓當
樓玄後德便閑放無累乃著寶人銘曰余十
五而尚文三十而重勢位值京都喪亂冠冕

淪沒海內知識零落殆盡乃喟然歎曰夫以迴天倒日之力一旦早彫岱山磐石之固忍焉燼滅定知世相無常浮生虛僞譬如朝露其停幾何大丈夫當降魔死當飼虎如其不爾修禪足以養志讀經足以自娛富貴名譽徒勞人耳乃棄其簪弁剃其鬚髮衣納杖錫聽講談玄戰國未寧安身無地自狀形骸甚於桎梏思絕苦本莫知其津大乘經曰如說行者乃名是聖不但口之所言小乘偈曰能行說爲正不行何所說若說不能行不名

爲智者至於顏回好學勤改前非季路未修懼聞後語功勞智擾役神傷命爲道日損何用多知誓欲枯木其形死灰其慮降此患累以求虛寂乃作絕學箴文名息心讚擬夫周廟其銘曰法界有如意寶人焉九緘其身銘其膺曰古之攝心人也誠之哉誠之哉無多慮無多知多知多事不如息意多慮多失不如守一慮多志散知多心亂心亂生惱志散妨道勿謂何傷其苦悠長勿言何畏其禍鼎沸滴水不停四海將盈纖塵不拂五岳將成

方末在本雖小不輕關爾七竅閉爾六情莫
視於色莫聽於聲聞聲者聾見色者盲一文
一藝空中小蚋一伎一能日下孤燈英賢才
法九
藝二十一為愚弊捨棄浮樸耽溺淫麗識馬易奔
心猿難制神既勞役形必損斃邪徑終迷脩
塗求泥莫貴才能是曰惛懵誇拙羨巧其德
不弘名厚行薄其高速崩徒舒輪卷其用不
恒內懷惰伐外致怨憎或談於口或書於手
邀人令譽亦孔之醜凡謂之吉聖以之咎賞
悅暫時悲憂長久畏影畏迹逾走逾劇端坐

樹陰迹滅影沈獸生患老隨思隨造心想若
減長死長絕不死不生無相無名一道虛寂
萬物齊平何勝何重何劣何輕何賤何辱何
貴何榮澄天愧淨皎日慙明安夫岱嶺固彼
金城敬貽賢哲斯道利貞又著至道論淳德
論遺執論去是非論影喻論修空論不殺論
等文多清素語恒勸善存質去華不存粉墨
有集十卷盛重於世不知所終有弟子僧琨
性沉審善音調爲隋二十五衆讀經法主搜
括羣籍採摭賢聖所撰諸論集爲一部稱曰

論場有三十卷披卷一閱俱覽百家亦新學之宗匠者矣後於曲池造靜覺寺每臨水映竹體物賦詩頗有篇什云

釋道寵姓張俗名爲賓高齊元魏之際國學大儒雄安生者連邦所重時有李範張賓齊鑣安席才藝所指莫不歸宗後俱任安下爲嗣年將壯室領徒千餘至趙州元氏縣堰角寺側即今所謂應覺是也從寺索水沙彌持許通言校其所譯恐有浮濫始於永平元年至四年方訖及勘讎之惟云有不二不盡那云定不二不盡一字爲異通共驚美若奉聖心寵承斯問便詣流支訪所深極乃授十地

我直顯佛法難思吾今投心此道宜各散矣即日於寺出家寺法入道三年歷試以賓聰明大博不可拘於常制即日便與具戒遂入西山廣尋藏部神用深拔慨歎晚知魏宣武帝崇尚佛法天竺梵僧菩提留支初翻十地在紫極殿勒那摩提在太極殿各有禁衛不許通言校其所譯恐有浮濫始於永平元年至四年方訖及勘讎之惟云有不二不盡那云定不二不盡一字爲異通共驚美若奉聖心寵承斯問便詣流支訪所深極乃授十地

曲教三冬隨聞出疏即而開學聲唱高廣鄰
下榮推時朝宰文雄魏收邢子才楊休之等
昔經寵席官學由成自遺世網形名靡寄相
從來聽皆莫曉焉寵默識之乃曰公等諸賢
既稱榮國頗曾受業有所來耶皆曰本資張
氏獸俗出家寵曰師資有由今見若此乃曰
罪極深矣初聆聲相寔等昔師容儀頓改致

此無悟於是同教三大聲此一心悲慶相循
遂以聞奏以德溢時命義在旌隆日賜黃金
三兩盡於身世匠成學士堪可傳道千有餘

人其中高者僧休法繼誕禮空宜儒果等是
也一說云初勒那三藏教示三人房定二士
授其心法慧光一人偏教法律善提三藏惟
教於寵寵在道北教罕宜四人光在道南教
馮範十人故使洛下有南北二途當現兩說
廿九
自斯始也四宗五宗亦仍此起今則闕矣輒
廿二
不繁云

釋慧嵩未詳氏族高昌國人其國本沮渠涼
王避地之所故其宗族皆通華夏之文軌焉
嵩少出家聰悟敏捷開卷輒尋便了中義潛

蘊玄肆尤訖雜心時爲彼國所重嵩兄爲博士王族推崇雅重儒林未欽佛理覩高英鑒勸令反俗教以義方嵩曰腐儒小智未足歸賞固當同諸糟粕餘何可論兄頻遮礙乃以易林祕隱問之嵩初不讀俗典執卷開剖挺出前聞兄雖異之殊不信佛法之博要也嵩以毗曇一偈化令解之停滯兩月妄釋紛紜乃有其言全乖理義高總非所述聊爲一開冷然神悟便大崇信佛法博通玄奧乃恣其遊涉于時元魏末齡大演經教高昌王徵使

釋門更闡乃獻嵩并弟隨使入朝高氏作相深相器重時智遊論師世稱英傑嵩乃從之聽毗曇成實領牒文旨信重當時而位處沙彌更搖聲略及進具後便登元坐開判經誥雅會機緣乃使鋒銳勍敵歸依接足既學成望遠本國請還嵩曰以吾之博達義非邊鄙之所資也旋環鄴洛弘導爲宗後又重徵嵩固執如舊高昌乃夷其三族嵩聞之告其屬曰經不云乎三界無常諸有非樂況復三途八苦由來所經何足怪乎及高齊天保革命

惟新上統榮望見重宣帝嵩以慧學騰譽頻
以法義陵之乃徙於徐州爲長年僧統仍居
彭沛大闡宏猷江表河南率遵聲教即隋初
志念論師之祖承也以天保年卒於徐州

續高僧傳卷第七

音釋

曇	域輒切	謐	彌異	腊	思積	切	擿	他歷	切	紉	也
	威也										
脚	尼鞞切	卸	司夜	穿	疾政	覩	羈正	子	童	毳	充芮
肩	古洽切										
裹	也	觴	羈	規切	童	遠也	切	閑	侯	毳	充芮
也											
領	塞遼切	初作則	所佩角也	初力切	突厥也	突厥也	切	閑	里門也	毳	充芮
也											
也											
也											

也	切	榛	曲蕩	也	達	渠惟	切	九	切	駕	羽儀
也	切	櫟	鋤蕩	也	木	待遇	切	木	贈	臂	宣也
也	切	蕪	菜也	也	賄	終日	切	木	巨	贊	許驕
也	切	槮	心	也	僵	渠營	切	僵	益	宣	也
也	切	桎	足械	也	僵	日切	切	僵	對	贊	也
也	切	檻	於	也	僵	日切	切	僵	古	贊	也
也	切	壘	塞	也	僵	日切	切	僵	對	贊	也

永樂北藏

續高僧傳

第一四八冊